

Қарғанинг ақл-заковати



16:00 / 28.08.2023 1134

Қарғалар Ер юзидаги энг ақлли жонзотлардан бири ҳисобланади. Бугунги кунда янги Каледония қарғаси борасида тадқиқотлар олиб борилди. Бу тадқиқотлар қарғаларнинг ақлни лол қолдирадиган даражада ақлий қобилиятга эга эканлигини күрсатди. Қарғаларнинг ақл-заковати олимлар учун эътиборни жалб этадиган мавзулардан саналади.

Оксфорд университетида Бетти исмли қарға ҳақида маълум бир ҳикоя бор, у пластик найчадан гўшт бўлагини олиш учун симдан илмоқли асбоб ясаган.

Олимлар қарғаларнинг хатти-ҳаракатларини ўрганиб чиққандан сўнг, улар ажойиб қобилияtlарга эга деган хulosага келишди, жумладан:

1. Асбоблардан фойдаланиш: қарғалар озиқ-овқатга эришиш ва бошқотирмаларни ечиш учун асбоблардан фойдаланиши мумкин. Мисол учун, қарғалар дараҳтлардан ҳашаротларни олиш учун таёқлардан ёки ёнғоқларни синдириш учун тошлардан фойдаланиши мумкин.
2. Ижтимоий ўрганиш: Қарғалар бошқаларнинг тажрибасидан ўрганишга қодир, бу ижтимоий ўрганиш деб номланади. Улар бошқа қарғаларнинг муаммоларни ҳал қилишларини томоша қилишлари ва кейин уларга

тақлид қилишлари мүмкін.

3. Келажакни режалаштириш: бу ҳолат ҳайвонот дунёсида кенг тарқалған әмас. Қарғалар келажакда фойдаланиш учун озиқ-овқат сақлашга қодир ва улар озиқ-овқатни қаерга, қачон сақлаганини әслай олади.

4. Күзгуда үзини таний олиш: Қарғалар күзгудаги үз аксина таний оладиган кам сонли жонзотлардан бири бўлиб, бу үз-үзини англаш белгисидир.

5. Мураккаб алоқа: қарғалар мураккаб алоқа тизимлариға эга бўлиб, улар бир-бири билан мулоқот қилиш учун янги кодларни ишлаб чиқиши мүмкин.

Қарғаларнинг кўп турлари бор бўлиб, уларнинг баъзилари бошқаларидан кўра ақллироқдир. Умуман олганда, қарғалар энг ақлли қушлар қаторига киради.

Аллоҳ субҳанаҳу ва таолонинг Китобида қарғанинг зикр этилиши ва иинисини ўлдирган Қобилга жасадни нима қилишни таълим бериш учун қарғага бошқа бир қарғани кўмиш илҳомини бергани бежизга әмас.

Аллоҳ таоло Қуръони Каримда шундай марҳамат қиласи:

«Ер юзидаги жонзот ва икки қаноти или учадиган қуш борки, ҳаммаси сиз каби умматлардир. Китобга ҳеч нарсани қўймай, ёзганмиз. Сўнгра Робблари ҳузурига тўпланурлар» (Анъом сураси, 38-оят).

Аллоҳ таоло барчамизни Ўзининг яратганлари борасида тафаккур қилиб, иймонимиз нури зиёда бўлишини, ибодатларга рағбатимиз ортишини насиб этсин!

Манба: Quran-t.com
Мақола муаллифи Фирос Валид
Нозимжон Ҳошимжон тайёлади

Ушбу мақола Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2023 йил 16 июнданги 03-07/4775-рақамли хуносаси асосида тайёрланди.